

水原白氏世譜卷之一

舊譜序

譜者譜其族也非譜族何以詳也非族譜何以作也蓋有人則有族有族則有譜疇昔然也今觀隋城白氏譜系則其始祖松溪公以唐朝僉議使被宵人杜以奇裴玄墨之傾陷自竊于新羅位至大相郎唐德宗皇帝建中元年新羅宣德王之元年庚申歲也天子累徵終不返中土仍居鷄林吾東白氏之蕃衍自此始矣方其一派未分之時乃睦乃敦及其派分服盡不遠而自遠不疎而自疎流布東土其麗不億而或紆青施紫列鶻鳴鍾或擅詞騷壇名振儒林班班東史其永有辭則其中流落未顯之族雖未能赫赫于當世幸賴此有賢有忠有孝有烈之駿聲人皆知白氏之爲簪纓世族也豈不盛且偉也然而無譜則



親之遠者疎者難以輯和系之逸者斷者難以嗣續故肆鳩鋟
梓作成譜牒而遡其世級則白氏宗派粵自羅麗至于今日代
益三十若此而終不能集成譜牒則族黨之疎與不疎分派之
近與不近其何能詳也有譜而後分之斷者續焉派之漏者合
焉是誠敦親之一大機也凡有族者其可無譜耶松溪公遠裔
荆王輯其譜牒囑余序之辭不獲已披譜歷序噫茲譜也真可
謂百世敦睦之丕緒觀是譜者孰不有孝悌油然之心也哉
大明永樂三年乙酉集贊殿大提學長水後人黃喜謹識

辛亥舊譜序

惟我白氏族譜修正之議其來久矣昔者嶺南宗人爲長興倅
也諸宗咸勸以利譜厥後爲本道兵使而獨利厥家譜蓋休庵
公近族分派也其疑惑誠可付一哂矣於壬子年間宗文漢相

氏爲我地主更發此議余季父與長興諸宗人發文始事而有不可成之端亦未免中止可勝嘆哉昨冬宗人履善甫以諸宗意來言其修譜余豈以旣往之事不爲樂從耶宗人瑞昇履泰氏收各派單子屬於余曰將以此修正也余於是乎唯從而吾派子孫則隨吾意稍加詳錄後之覽者或有知我罪我者耶余今修正已訖姑舍其他惟以修譜之顛末發明如此云

崇禎再辛亥清和上浣後孫受珩謹識

舊譜序盡佚於庚申變故而只有此一板下面上面二序者果不我欺噫貞海君之功勲事業耀諸方策岐峯公之文章學識擅名當世東溪公之隱遁教授人皆艷慕玉峰公之清修苦節聳動汚世松湖公之克紹家業爲世聞人斯皆昭昭於諱字之旁註凡我子孫卽此譜中對越諱字玩復旁註則其所興感之

心必倍平日益思所以繼承之道然則斯譜之功不但在於收宗族不忘本而已肆余敢以此說弁序于簡末嗟我宗族盍亦勉之哉歲在

崇禎後再辛亥四月上澣後孫受璥謹識

庚申舊譜序

譜者譜其族也夫族之近而遠者如尺之有寸而積寸至尺也族之親而疎者若秤之有星而從星至兩也非譜無以明一本而遠者愈遠非譜無以敦九族而疎者愈疎矣譜之作豈偶然哉厥初湖南之有白氏實由我十四代祖判書公之謫長水以來而其後子孫或長興或靈巖散處而離居世系之稍遠族分之漸疎不惟面不相識或至名不相聞則當初一父母之身畢竟作行路人者過了此眉山蘇氏之所以有譜而今我白氏之

譜亦不可不作也肆我宗叔受珩氏慨然有感于茲仍遵壬午之起義至辛亥之合部而緣吾近派之爻象終致大事之技悟則噫噫一之而不諧再之而不諧者豈非吾門之不幸而亦非吾派之羞事乎茲以不佞與從弟瑞弘敢自主張決議鋟木辛亥之合部今始刊行省庵公諱瑞輝所製

辛丑舊譜序

氏族皆譜也譜所以著世代辨昭穆明嫡庶而曰睦曰姻焉之綱之紀也抑莫非儼一家之春秋而揭一門之星日也一本而萬支萬支而一本者非譜何知其本支之如何同源而分派分流派而同源者非譜何知其源派之如何然則氏便族族便譜者不其重且大乎顧惟我白亦氏族也我東水原白氏之族自判書公諱天藏始而判書公出仕于大小華而其後名公巨卿不

敢指其一二而止我白之家風世德不待陸海潘江之先陳始
述而見諸方策耀乎耳目者雖謂之望族清班可也近代以來
盛衰固變而各派子孫散處離居或長興或靈巖或光州綾州
咸平康津寶城同福興陽等地而合譜之經紀者歲已累矣年
又深矣壬午再過庚戌辛亥庚申亦將周甲而迄未得合譜刊
行者亦獨何哉噫痛哉忍說譜事之始終事雖已往而心猶
餘寒口尚遺嗟語長難竟寧欲無言甚矣甚矣孰無庶派惟吾
家庶派之耻爲庶也不啻如弓人而耻爲弓矢人而耻爲矢也
構虛捏無而敗倫亂常必欲至於無嫡庶之地者有若冰與炭
相戾而便成天與水違行也未知積幾年所幸賴中吉終凶之
象而顯道昭昭常刑明明從頭元惡已死無及而至尾首罪苟
活有法屏流之不與之同道則放逐無異於鈇鉞矣六五之貞

疾恒不死者定是交易變易而毫髮不爽底理也於是乎凡我同宗同志共奮共事而不以不僂而不僂付托以重大之事於膚識皮見者辭之不得一從門議而夙世隔憤之事今始刊合以行其無僭踰之罪也耶深有感且愧於斯焉

上之六年辛丑正月下澣後孫時龍謹識

於戲族譜人家大事而吾家世譜迄未刊行者何也噫十代祖貞海君妾子世任世均之後孫漢七輩嫌其庶名之在身庚申年成譜印出際漢七輩率其内外族黨突入譜廳歐打主事之人流血淋漓且毀破家戶掠奪草譜及可考文券又從以追碎十一代祖平澤公考妣位上下葬墓碣甚至於誣罔擊錚相訟三四年猶未決末矣歲乙未如集如鏡者思聃及瑞殷瑞章輩又踵舊惡以無根無據之說肆然擊鼓至於行查而天有顯道

國有常刑其爲首惡流三千里所謂罪歸罪者功在功者今乃
與各派諸宗謹以利譜以行噫一以復十一世之讎一以雪先
父兄之耻凡我同宗子子孫孫永世刻心不忘

歲辛丑端正下澣後孫時誼血泣書

丙寅新譜序

氏族之有譜其關於世教大矣所以著世代而昭穆明列宗支
而倫理篤某也忠某也孝某也烈亦無不謹書以爲勸戒繼述
之典誠以爲一家之春秋百世之寶鑑也周禮之尊祖重宗於
是乎在譜之作豈不重矣乎竊惟我白氏亦不失爲左海望族
而歷世三韓名公巨卿指不勝擣而文武忠孝繼世濟羨其道
德也功業也文章也見諸方策耀乎耳目者舊譜舊序中詳之
何敢更贅嗚呼叔季以來顯揚頗久衰替如今門運之隆替果

非關於國家之氣數歟雖然日往則月來天之道也屈而有伸
理之常也此是吾族動忍時節古人詩曰諸兒莫斲詩書種解
有無雙聳搢紳凡人家箕裘詩與書也上而爲賢聖下而拾卿
相未嘗不自這裏出今此修譜收宗莫曰能事已了以親睦教
誨自相勸戒是譜外譜也以譜外意做譜內事其於講敦睦修
繼述何有諸宗以不僂不以無似置諸任司之列嗚呼譜之有
文不過稱述勸戒二事已稱述吾所不敢而勸戒其得已乎無
絕文種四字聊以舉似諸族後承母曰陳談例法千萬努力以
追大雅聿修之義

丙寅冬十二月上浣後孫潤欽謹識

昔先王之世管攝天下使民興於孝悌宗法爲大昭垂前人成
憲使後世不迷於趨舍史法爲嚴族譜者原於宗法以成一家

之私而史法亦具焉此譜之所以關於世教重且大而修譜之亦爲未易也史法成於人有疑信之傳顯微之寓而義例若可難明苟得其義則其事其文可按而知已若夫譜法則定於天本支自別昭穆有序有待安排不得推移者而綱條雖若易尋然一世積爲十百一人分爲千億中外布散磨滅漫漶之患生焉遺澤漸絕私勝恩擾之弊起焉又安得以一徵信哉此所_以譜之難尤於史之難也竊惟東方氏族源流之長莫如我白氏而松溪文景公東渡以來歷羅麗暨昭代道德勲業忠孝節義文章隱倫曰星乎國乘外史而忠肅公際本朝革命以因僕謫于南服而子孫遍滿湖省甫城公諱薈爲其弟而於是乎鄉京分而宗支別噫我苗裔之不億其麗寸膚毫髮莫非祖先之血脉流傳而或居留殊負名聲不能相識或汨沒流離甚

至系嗣失亡杞宋無徵當初魯衛之功近竟作秦越之肥瘠推
之祖先之心寧不惕然在昔辛丑之譜前乎百數十年泰庵敬
窩省庵諸公惟是之懼積勞焦思未克完成仍置抄本者而鋟
梓之以爲吾譜正本之始而從高王考竹窩公實主其事厥後
大同者二而諱號相謬小同者三四而辛卯之譜可謂普合矣
第念辛卯已經三十餘年之久矣譜議頻數適在癸亥自京又
送大同之議顧念敦本厚俗之義大同豈不是至穩當若今亦
不復正誤而仍舊完就則曷若小同之詳確哉茲以議論不諧
畢乃小同之議合湊自昨冬始事是亦湖南之一大同也僉宗
不以余不儻托付重大顧余淺薄何敢承當固辭不獲本之辛
丑叅之辛卯著世代而明一本叙昭穆而敦九族則余實何與
焉後來存覽者溯流而求源由根而達枝則孝悌之心油然而

莫之遏矣若乃春秋之義則不揆時議罪我者多而其實則余何敢逃焉略記顛末

後孫重寅謹識

氏族譜以彙之可認其世代久遠宗支分異之義而辨嫡庶別昭穆等亦有所一刀劈兩段樣合是爲一門春秋若偏些子不得流些子不得則此在周官太史職所謂奠世系勒聖人垂世立教所由出也其義豈不重且嚴也竊惟我白氏羅麗來爲東方著姓遍列八域在在可道而以至于靜慎齋公以圃翁高弟位至正卿爲麗季名臣竟守西山之節至本朝而貞海君之忠義布載史策不消疊床以若岐東風玉從昆季四先生蔚然崛起學行節義道德文章大鳴于世此南方白氏之爲朝鮮一巨閥者信不誣者矣而子姓之散在邑省無慮數千萬非譜何以探派流溯源本源所以吾門之譜始底正廟辛丑有二卷藏

板嚴立敦睦節儀而繼續修整不再不三猶有漏逸之族齋咨
襄恨不幾多矣乎往在癸亥門議展發以南中大譜之議詢同
甚是衰世中一盛舉也然單帖中間有脉絡紛亂詳加梳櫛凡
三周歲而始克就緒嗚呼此豈易言也若夫別宗支奠世系大
關鍵固徵信以足矣以至乎明嫡庶之名義縱不能述舊而俯
從門議之今日商定後之覽者先識今日爲何等時日庶可知
此役之不可已而名義之不能從舊矣然則知我罪我者未知
如何而呶呶祇得收宗族繼絕世寢有意在而存羊古義亦未
嘗不著乎言表茲役也族叔重寅氏實尸而艱難之余亦從旁
周旋不能不置一言于卷端云

柔兆攝提格陽復日後孫亨夏謹識

余識見闕報未知系牒中節目如何修整得爲大關嘗從先父

兄聞則詳世系別宗支爲第一項義明嫡庶分派流第二項義繼絕世叙敦睦第三項義序昭穆辨尊行第四項義記實蹟備官卿第五項義能校讎得那五件大義餘多少做如繩貫碁局之有次第不理而自理所謂一筆嚴鉄錢片辭重泰華者此也然則國而史修一代紀綱之春秋氏而譜明一姓派系之文獻而俱欲壽及於不朽張本千載之如當世底可瞭然於卷頭此祖黃帝而虞夏之異號宗文王而魯衛之別稱實由這裏中做出來則其慎重而修整之何但用百倍其公也已惟我東方之白自松溪公來赫世簪纓薰時德業及遺逸孝烈之傳受繼統先父老與國先正狀以識之序以著之說盡無餘已叅載錄於曾往修譜中功非愚陋所敢承贊一辭且妄言重復而刮垢添疵也今茲之舉丁會叔末大同合族使吾不億氏族免諸秦越

相濟等視可不曰門運展發之致然幾箇藉時日商商氣套而
濫踰妄分者誠可惜也世其不古滔滔焉是誅之何誅余猥忝
校讎末終不能無言而唯唯之可乎乃茲黽勉同役酌古添今
誓不於同塗一轍之中使彼我之間庶無怨咨而期欲竣功爲
圖後之覽者想知此意之有在而不之罪我也不庸且不文無
以發明所暴媿夫

丙寅陽復後三日後孫永珠謹識

水原白氏世譜卷之一

甲編上

中始祖

一世

白昌稷

謹按諸宗系牒字

和叔官中郎將

贈侍中上將軍

墓醴泉失傳

父景明王諱昇英

配尚和公主朴氏

元育

配鎮川林氏父一

興君曠謹按林氏

譜大將軍興化府

院君曠女書公姓

諱註曰林川人字

贈侍中爲白氏鼻
和淑郎將

甲編上

二世

子吉

謹按諸宗系牒字

太初始仕高麗官

征南將軍廣評侍

郎

配忠州劉氏父太

師內史令競達

光宗癸酉王融取進
士公登壯元及第

成宗辛卯以翰林學

士入宋謝賜經及

御製前後再知貢舉

見麗史謹按諸宗

系牒自宋還拜諫

議大夫後貶永州

刺史

配朗州崔氏父太

師內史令敏休公

知夢

三世

子揮

成均進士謹按

諸宗系牒字慶悅

號浦洲園子進士

壯元官內奉監

配開城王氏父

贈太師威靜公

式廉育一男

配金氏父禮賓卿

廉

子簡美

大將軍謹按諸

宗系牒字慎甫號

寧海田庄屢徵不

起壽九十七謚貞

敏○墓寧海府西

龍頭山東麓楸子

洞甲坐叅知政事

朴寅亮撰神道碑

銘政堂文學朴仲

書今失傳

配李氏父左輔闕

五世

子裕臣

板三

子良臣

板四

子武臣

全

板二

六世

子可臣

板三

子景臣

全